



Ramhlun North YMA Chanchinbu

"YMA thuvawn: YMA chu tanpui ngaite tanpuitu a ni"

YMA thiltum: 1. Hunawl hman that. 2. Zofate hmasawwna ngaihtuah. 3. Kristian nun dan tha ngaihsan

Vol. 44

Issue No. 4

Ramhlun North: Ni 24 January, 2026



BRANCH THU THAR

■ Branch OB leh Sub-Committee hrang hrang a Chairman leh Secretary te January ni 27, 2026 (Thawhlehi) zan dar 7:00 ah YMA Committee Room-ah inhmukhawm tur a ni.

■ Pi Thuamlani te chhung, V-Sec chuan an pa Pu Liankhuma (L) hriatreng nan RNYMA Tea Urn stand min pe a, RNYMA-in lawmthu kan sawi e.

■ Pu V. Lalnunmawia te chhungkua, C-Sec. chuan thlan laihna tur ₹ 10,000/- Branch ah an pe a, an chungah Branch chuan lawmthu a sawi.

■ Ni 23 January, 2026 (Zirtawpni) zan dar 7:30 a Central YMA in Kumpuan 'Ruihlo Do' chungchang inrawnkhawmna, Dawrpui Multipurpose Centre-a neih ah Branch OB te an tel.

■ Aizawl North II Assembly Constituency bialtu MLA Dr. Vanlalhlana kaltlangin thlanmual lungremna tur MP (Lok Sabha) fund ₹7,00,000 kan dawng thei dawn a, ₹3,50,000 a rawn lut tawh e. Dr. Mathlantea chungah lawmthu kan sawi e.

■ Samuel Zorinsanga, c/o Pu P. Thangchhuaka V-Sec. Ni 21. 01.2026 a Agape Hospital-a boral RNYMA ten a Kuang kan tumsak avang leh mawi taka kan va thlahliam avanga Lawmthu sawi nan ₹ 5000/- a tul apianga hman atan RNYMA te Pu P Thangchhuaka te chhungkua in an hlan. RNYMA chuan lawmthu kan sawi e.



SUB-COMMITTEE THU

Library sub-committee: Veng chhung mipuite kumin 2026-ah hian Library hlut thar deuh deuh turin kan sawm e. Membership hi May 2025 - April 2026 a nih avangin, membership hi May 2026 atangin a thar tura lak leh a ni ang.

Visitor of the Month hi February 2026 atangin kalpui leh a ni ang.

KUM 2026 SECTION HRUAITU THLANNA NEIH A DAWN (Post by Post a inthlan a ni ang)

Ramhlun North, the 24th January, 2026: Ramhlun North Branch YMA Executive Committee Meeting wawi 1-na, January ni 9, 2026 (Zirtawpni) zana neih chuan kum 2026 atan Section din leh tha a ti a. Tin, Section hming, huam chin leh rawng (colour) chu a ngai anga hman leh nise tih a ni. Section hruiatu thlan hun atan January ni 30, 2026 (Zirtawpni) zan dar 7:00 ruat a ni baw. Inthlanna hmun tur hi Section tin huam chhunga hmun ruat bikah theuh neih a ni ang a, Nomination siamin post by post a inthlan tur a ni ang. Section hruiatu thlanna neih turah hian Section hrang hrangte inthlanna hmun tur leh inthlanpuitu tur Returning Officer leh Polling Officer turte hetiang hian ruat a ni:

Vanapa Section:

A hmun - Pu RK Pahlira (L) In
Returning Officer:
Pu Biakchungnunga, Secretary
Polling Officer-te:
Pu R. Lalrinmawia, BECM
Pu Lalhriatpua, Section Adviser
Pu Lalvensanga Hmar, Section Adviser

Taitesena Section:

A hmun - MHIP Building
Returning Officer:
Pu Thandlingiana, Finance Secretary
Polling Officer-te:
Pu Lalmalsawma Sailo, Ex-Officio, RNYMA
Pu Vanlalrova, BECM
Pu T Lalnundika, Section Adviser

Chawngbawla Section:

A hmun - YMA Committee Room
Returning Officer:
Pu Laldingiana Sailo, President
Polling Officer-te:
Pu Lalneihhlua, BECM
Pu Lalmuanpuia Colney, Section Adviser
Pu Malsawmdawngliana, Section Adviser

Neuva Section:

A hmun - AM Hotel Management,
(Dr. F. Lalhmingthanga Building)
Returning Officer:
Pu Rorelliana, Treasurer, RNYMA
Polling Officer-te:
Pu R Zonunmawia, Adviser, RNYMA
Pu C Lalremruata, BECM
Pu VL Pianruala, BECM

Saizahawla Section:

A hmun - Chawngbawla Rûn
Returning Officer:
Pu Lalrochama, Vice President
Polling Officer-te:
Pu Lalpiangthara, Adviser, RNYMA
Pu R Lalfakzuala, Section Adviser
Pu C Lalfamkima, Section Adviser

Khuangchera Section:

A hmun - Rûn Mawi
Returning Officer:
Dr. Joseph Lalhmingliana
Assistant Secretary, RNYMA
Polling Officer-te:
Pu Vanlalruata Ralte, BECM
Dr. David Dailo Varte, Section Adviser
Dr. Lalmuchhuaka, Section Adviser

MHIP RAMHLUN NORTH BRANCH KUM 2026 HRUAITU THLANNA

MHIP Ramhlun North Branch te chuan Kum 2026 atana hruiatu tur thlanna neih tur a ni a, MHIP member zawng zawngte kal vek tura ngen leh hriattir kan ni e.

A Hun : Dt 26.01.2026 (Thawhtan) Zan Dar 7: 00

A Hmun : MHIP Committee Room.

Inthlanpui tu turte : Branch YMA, Ramhlun North Office Bearer's.

In thlanna ah hian nomination mi 10 siam an ni a, floor atangin mi 5 ruat belh theih an ni baw ang.

Nominees (Alphabetical Order).

- | | | |
|------------------------|---------------------------|----------------------|
| 1) Pi C. Lalawmpuii | 2) Pi Ngurthanpari | 3) Pi H. Lalthanpari |
| 4) Pi Lalmuankimi | 5) Pi Lalthansangi (Atei) | 6) Pi Lalthapari |
| 7) Pi Lalthanthangi | 8) Pi MC Rinpuii | 9) Pi Rodingpuii |
| 10) Pi V. Lalmachhuani | | |



Mawphurhna

Kum 2026 YMA Section hruaitu thlan hun a lo hnai leh ta. Section chakna leh hmasawna chu member-te kan nih avangin, member zawng zawngte he hun pawimawh takah hian thahnemngai takin tel i tum theuh ang u.

Section hruaitute hi Branch kalphung tinghetu leh khawtlang inkaihhraina kawnga thawk rim berte zinga mi an ni a, hruaitu nih pawh hi thil huphurhawm tak a ni. Section hruaitu nihna hi hmingthan nana hman tur 'nihna' satliah a ni lo a, mahni hmasialna kalsana midangte tana luangchhuak tura mawphurhna thuk tak leh inpekna nung a nih avangin hruaitu kan thlan ah hian kan fimkhur tlan a ngai takzet a, fiamthu nena hman chi a ni lo.

Inpekna dik tak chu mahni tana hlawkna zawng lova midangte tana luanchhuah hi a ni a. Hruaitu tha chuan mahni nawmsakna aiin mi dangte harsatna leh mamawh a thli hmasa zawk thin. Mi fawng duh leh titi thiam ringawt aiin hna thawk thei leh mi rintlak, khawtlang tana inngahna tlak kan thlan thiam a pawimawh. Tlawmngaihna nun hi thuziak leh titi ringawt a lantir chi a ni lo a, nitin nuna mi dangte tana mawphurhna kan laknaah a lang chhuak tur a ni.

Inthlanna a zawh rual hian hruaitu thlan tlinte chu kan lungtualna leh thlawpna zawng zawng kan hlan a ngai a. Section hruaituten tlawmngaihna nuna hma an hruai chuan kan khawtlang nun a nuam ang a, kan thalaite zingah tlawmngaihna a lo par chhuak ngei ang. Chuvangin, he inthlanna hi ngai thutak thar ila.

YMA hi Mizo te min ti Mizo tu, Zo hnahthlak zawng zawng te hruai khata min phuar khawmtu a ni a, a pawl a ropui ang bawkin hruaitu tur pawh kan thlang fimkhur a tul hle. Hruaitute inpekna hian khawtlang nun a ti nuam in inpumkhatna a thlen thin a. Chuvang chuan, YMA inngahna lungphum vawng nung thei tur, hruaitu rinawm leh tlawmngai thlang chhuak turin i inbuatsaih ang u.



KEIVAWM PÛK/KHAUHLIR PÛK

Keivawm Pûk/Khawlu Pûk (ti-a sawi baw) hi Khawzawl District, Ngaizawl khuaah a awm a. A pian ken hmelmhang mawi tak hian he pûk, Mizorama tlawh hlawh lo leh hriat lâr lo tak hi mi tam tak tlawh chakna a siam a. Thil thar zawn chhuah nuam ti mi leh hmun kilkhawr tlâw duhtute tan hmun hlu tak a ni. A chhehvel awm dan leh a hmelmhang hrim hrim hi tlawh man hla tak a ni baw.

He pûk hi kum 1996 khan Lalthlamuong Keivom (L. Keivom ti-a hriat lâr) chuan Ngaizawl khua hi tlawhin, Ngaizawl pûk chu an hnam (Keivom) lo chhuahna bul a nih thu a sawi a, chubakah a thu ziaik thenkhatah Ngaizawl Pûk chungchang hi a ziaik nual baw.

L. Keivom sawi ang deuh hian helai chhehvelah hian Hmarho hi an chêng ngei tih a rin theih a. A chhan chu Ngaizawl khaw chhehvelah hian Hmarho sulhnu chi hrang hrang hmuh tur a tam hle a, an lungphun leh an lungrem te, an hlumbel te hmuh tur a awm bakah, Hmaiphikhawn tlâng chungah khian 'Hmar Hmun' ti-a an sawi mai, Hmarho khaw hlui a awm baw. Tin, Hmarho sulhnu zingah hian an kalkawng atana an hman an lungphah te, an ro phumrukna ni ngeia lang leh a chhinchhiaha te hmuh tur a awm nual baw a. Hêng an hmun hlui leh an khaw hlui te hi Ngaizawl khuaa chêng leh hmasa te'n an hlut taw loh avangin tam tak chu humhalh hleih theih a awm tawh mawh lo a, chutih rual chuan humhalh chin an nei a. Mahse, khawtlang tanrualna mai chuan a taka humhalh a, cheihnum reng hi a harsa deuh a, Mizoram sawrkar lam atâng hian humhalh theih dan kawng dap a, Hmar hnam chanchin (history) zina atan tangkai taka hman a nih theihna tura mumal leh felfai zawka humhalh zel a duhawm hle.

Keivawm Pûk/Ngaizawl Pûk thuk zawng hi a kotlang atâng a kaw tawp thleng hian 180 ft a ni a. A pûk chung hi a thim em em mai a, êng keng lo chuan kal ngaihna a awm lo a ni. Ngaizawl Pûk atâng hian Ngaizawl khawchhung, kawthler leh in tin a lang vek thei a, khawthlirna hmun nuam tak a ni. Mizoram in zalenna a sual lai phei chuan MNF sipaite chuan tawm nan an hman chang

a awm a, MNF sipaite'n Ngaizawlah vai sipai an awm leh awm loh thliir nan an hmang fo baw. Tin, tualchhung thawnthu leh thawnthu hlui ah te chuan Keite (Black Panther) nena inzawmna nei ang sawi a ni baw.

Keivawm Pûk/Ngaizawl Pûk hian an pasaltha Go Puma hian rulpui (lianpui mai, a lu pawh sakawr lu tiat niin a sawi) a hmu a, kah a tum a; mahse, a lèn em avangin a kap ngam leh ta lo a ni. Chumi zan chuan a mumangah kha rulpui kha a hmu a, rulpui chuan, "Min kap la chuan, he khâm hi ka tichim ang a, Ngaizawl khua a khuh vek mai dawn a ni. Min kap lo chu in vannei hle mai, he pûk vengtu hi ka ni," tiin a sawi a ni.

Pûk kaw lian ber awmna (pûk atâng a hawi thlaka ding lamah) piaha hian tlâng bawk pakhat a awm a, chu tlâng chhîp zawlchuan tîngtîng ang deuh lungphuk a awm a, khaw thlirna hmun nuam tak a ni a, puan in (tent) kaihna hmun remchang tak a ni. Pûk lian ber atâng a ding lama pan pheiin kalna tur a awm a, kalkawng laklawh hian pûk kaw lian ber bulah chawlh hahdam theihna hmun remchang a awm baw. He pûk hi pûk lian tak mai a ni a, Ngaizawla khua-a zin te leh Ngaizawl khaw mite pawh hian an tlawh/kal ngei ngei thin.

Ngaizawl pûk/Keivawm Pûk hi chung hi ngâw durpui a ni a, thing awmta pawh chhura rual rual an ni hlawm a, arsi êk an kai khat deuh vek a. A panna kawng hi a chho viau na a, heng ngâw hmun han thlen hi chuan boruak a daiin, a thianghlîm hle, a hahdamthlak thin hle. Thing upa tak tak bakah, mau chi khat "Phar" leh "Rawna" an tam em em baw.

Lungtlanghing, Hmaiphikhawn, Suanglukhu leh Keivawm Pûk chung hi tlâng inzawm vek a ni a, a sang lai ber chu Suanglukhu chung hi a ni. He Suanglukhu chung zawng atâng hian khaw thian zanah chuan Aizawl khawpuia electric eng pe ûn mai pawh a hmuh theih a ni.

Mizoram Tourism chuan he hmun hi mi tam lutuk hmun ni lo, mahni chauhva hmun reh leh thianghlîm tlawh duh tute tana remchang tak a nih thu, an vawrh lâr thin a. Ram leh hmun hma tichhe lova, uluk taka tlawh tûrin tlawhtute an fuih baw a ni.

E-STARCOMPUTERCENTRE

(MSCTE Govt' Approved Institution)

FREE ADMISSION, 2026

DCA-1&2 (JANUARY TO JUNE) ZIR DUH TAN

Admission a tih leh theih ta e.

Contact no-8731875084/7005421131

PAN CARD, Aadhaar card download,

Employment Registration, Tribal,

Income, Residential certificate leh In

hmun hming thlak kan buaipui thei theih baw e. (5-2)

NEAR D-3, OPPOSITE NAZARETH HOSPITAL, RAMHLUN NORTH

JOHAN'S COMPUTER INSTITUTE (JCII)

(GOVT. APPROVED INSTITUTION)

Near LH Thanga Enterprise, Industry Perg, Ramhlun 'N'

Contact No. 7005608874

COMPUTER CLASS (Jan - Jun Session)

FREE ADMISSION OPEN

COURSES:

Timing:

Instructor:

1. CCC; 2. DCA 1st & 2nd Sem

6:30am-8:30am

10:00am-5:30pm | 6:30-9:00pm

C Lalbiaknunga (Nungtea), BE Comp. Sc & Engg.

COMMON SERVICE CENTRE (CSC)

kallangan henge hi kan ti thei baw

Pan Card | Motor Insurance | Learner's Licence | Tribal/Residential/Income Certificate | Indian Passport | GST Registration | UDYUM Registration | Inhmun Hmingthlak (Sales & Gift Deed) | eRAM Revenue Train Ticket / Flight Ticket booking | Golden Card | Printing / Xerox, Laminate, etc.

Editor: Vanengmawia (7085878827); **Jt. Editors:** A. Laifakzuala, Lalrotluangi Zote, , Henry VL Nghilhlava Zote

Manager: Lalremsanga Hnamte (8974845664); **Asst. Managers:** Zodingliana, Lalrinchhana, Lalrinawma

News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte

Circulation Managers: PB Lahuapzauva, Samuel Lahlupua, Hmingthanzuala, Vanlalrinkima, R. Zodinsanga,

Zothankhuma, Lalrinchhana, K. Lalmuanpuia

**ZIN & HAW**

■ Pu Lalramsanga Hauhnar, V-Sec. chu a hnathawhna hmun Serchhip atangin a lo haw.

■ Dr. Lalnunfeli Tochhawng, T-Sec. Vellore-a in check up a kal chu tunkar khan a lo haw. Dr Mafeli hi a fapa Chalthansanga'n a hruai.

■ Pu David Vanlalhruaia te chhungkua, V-Sec. chu an hnathawhna hmun Lunglei lamah an kal leh ta.

■ Pu Lalhnehlana, K-Sec. chu Kolkata-ah in check up in a kal a, an nu Pi Zothansangi'n a kalpui.

■ Pu RSL Pekhlua, C-Sec. thil pawimawh buaipuia New Delhi-a zin chu alo haw leh ta.

■ Pu Richard Lalsangzela, C-Sec. te nupa Krismas leh Kumthar hmanga lo haw chu an hnathawhna hmun Khawzawl lamah an kal leh ta.

■ Pu Vanlalthuama, N-Sec. chu chhungkaw pawimawh buaipuiin Bagha-ah a zin.

■ Pu C. Laldampaia, V-Sec. chu office pawimawh buaipuiin Kolasib atangin a lo haw.

■ Nl. Lalrohlu, C-Sec. chu Sihfa ah Bial KTP Conference hmangin a zin.

■ Pu Lalhruaitluanga, C-Sec. chhiat tawhna avanga Bukpui zin chu a lo haw leh ta.

■ Pu Emanuel Lawmkima, C-Sec. hna thila Allahabad-a kal chu a lo haw leh ta.

■ Pi Amy Lallawmpuii w/o Henry VL Nghilhlova Zote, V-Sec. Shillong-a hna thila zin chu tuang takin a lo haw leh ta.

■ Pu Vanlalfaka te nupa, N-Sec. chhiat tawhna avanga Bukpui a kal chu an lo haw leh ta.

■ Pi H. Lalmuanpuii d/o H. Lalthanga (L), C-Sec. Kolkata-a inentir a kal chu a lo haw leh ta.

■ Nl. Rebecca Malsawmtluangi d/o K. Lalchawimawia, K-Sec. chu a zima hmun Kolkata lamah a kal leh ta.

**THILDANG****Ruangchhuak:**

Samuel Zorinsanga, K-44 chu ni 22.01.2026 khan Agape Hospital ah a boral a, pu P. Thangchhuaka, V-Sec. ten a ruang la in damdawiin atangin an khua Serchhip panpui a ni.

Insawn:

1. Pi Lalhmingthangi te chhungkua, T-Sec. a awm te chu Pu Vanlalsiama building, C-Sec. ah an insawn.

2. Pu C. Lalrinpui te chhungkua, T-Sec. chu Edenthar ah an insawn.

3. Pi Lallawmsangi te chhungkua chu Kolasib atangin Pu Lalnunpui C-Sec. te inah anrawn insawn.

**DAMLO**

■ Pi Thangzawni, S-Sec. chu Ebenezer Hospital-ah enkawl mek a ni.

■ Pu PB Lalzuithanga, V-Sec. Ebenezer Hospital-a awm chu in lama inenkawl chhunzawm turin a lo chhuak leh ta.

■ Pu Vanlalzela, C-Sec. chu ril zai avangin Civil Hospital, Aizawl ah enkawl mek a ni.

■ Pu C. Laltnamawia, C-Sec. chu taksa lam chak lohna avangin Ebenezer Hospital-ah enkawl mek a ni.

Heng mite hian thisen an pe:

1. Pu Lalremsanga, N-Sec.

2. Tv. Joseph Vanmalsawmtluanga, C-Sec.

3. Tv. Joel L. Hrahsel, C-Sec.

4. Tv. Lalnunluanga, C-Sec.

5. Tv. C. Lalsangzuala, C-Sec.

6. Tv. Joseph Lalrinawma, C-Sec.

■ Lalrinzuali d/o Joel Lalrinchhana, C-Sec. chu Septicemia avangin Agape Hospital-ah enkawl mek a ni.

■ Leticia Lalpeki d/o Robert Lalremruata, V-Sec. chu natna hrang hrang avangin in lamah enkawl mek a ni.

**PAWL DANG****Ramhlun North Cricket Academy**

Academy Class neih tan a ni leh ta a, chawlhkar tin Thawhlehi, Ningani leh Inrinni ah te RSC Field-ah neih thin a ni. Monthly Fee hi ₹ 200/- a ni a, mipa leh hmeichhia kum 7-13 inkar tan tel theih a ni e. Hrechiang duh tan:

John L Ralte - 8415852272

K Vanlalrova - 9862300713

■ **Ramhlun Dojo:** 6th Mizoram State Inter School Karate Championship 2025-2026, Joint YMA Multipurpose Sports Complex, Vaivakawna neih zawh takah kan veng naupang heng mite hian medal an la:

1. Jophiel Lawmkimi d/o John F. Lalrinsanga, N-Sec. - Bronze Medal individual kata 5 years and below & Bronze Medal, Individual kumite 5 years and below.

2. Agatha K. Remruatpuii d/o A. Lalfakzuala, K-Sec. - Bronze Medal individual kata 5 years and below & Gold Medal, Individual kumite 5 years and below.

3. Cathy Malsawmtluangi d/o Kaptluanga, V-Sec. - Gold medal, individual Kumite 7 years -35 kgs.

4. Joanna Lalhunruati d/o C. Laldampaia, V-Sec. - Silver Medal, Individual kumite 12 years -40 kgs & Bronze medal, Individual Kata 12 years-40kgs

6. Lalfakawma Hnialum s/o H. Lalhruaitluanga, V-Sec. - Bronze Medal, 5 years and Below Individual kata & Bronze Medal, Individual Kumite 5 years and Below.

7. Remsangpui Hnialum s/o H. Lalhruaitluanga, V-Sec. - Gold Medal, Individual Kata 6 years & Gold Medal Individual Kata -30 kgs.

8. Jared Lalruatfela Faihriam s/o John F. Lalrinsanga, N-Sec. - Bronze Medal, 7 years Individual kata.

9. Joel Vanlalruata s/o C. Laldampaia, V-Sec. - Individual kata Silver Medal & Gold Medal, 10 years Individual Kumite -40 kgs.

**KEIMAHNI**

■ Chanchinbu wawi khat chhut man chu mi thil phal tak pakhat in min tum sak a, kan lawm hle mai. Tin, D&K Computers, Prop. Pu Lalzarliana, K-Sec. chuan Mouse Pad tha tak mai Maryma hman tur min pe a, an chungah lawmthu kan sawi tak meuh e.

■ **Agent:** A hnuaia hming tarlan te hi Agent ruat thar te an ni:

1. Jesai Lalthazuala, S-Sec.

2. Esther Lalruatsangi, S-Sec.

3. H. Lalruatpui, K-Sec.

4. Ivanna Lalbiaknungi, V-Sec.

5. K. Lalthansangi, S-Sec.

6. Zoramchhani, S-Sec.

7. Lalrinfela, S-Sec.

8. Vanlalveni, N-Sec.

9. Vanlalhriatpuii, C-Sec.

**LOCAL COUNCIL**

■ Ramhlun North Community Hall, Taitea Tuikhur bul ah two wheeler tan garage luah tur a awm a, hrechiang duh tan Pu Rothangpui, Local Council, Vice Chairman hnenah ngaihven theih a ni e. **Ph: 9436710346**

■ Zan riak a lirthei dah chungchang leh lirthei park phal lohna hmuna lirthei dahte chungchangah Local Traffic Management chuan khauh lehzualin hma a la dawn a, veng mipuite thu awih hram hram turin min ngen thar leh a ni.

**KOHHRAN**

■ **Presbyterian Kohhran, Ramhlun East:** Kristian Thalai Pawl, Ramhlun North Pastor Bial KTP Conference wawi 45-na chu Ramhlun East Kohhran ah Zirtawpni zan atang khan neih tan a ni a, Conference hi Pathianni zan ah a tiak ang.

**ST. ANTHONY'S HIGHER
SECONDARY SCHOOL (7-1)
CHALTLANG LILY VENG, AIZAWL**

Kum 2026-2027 session atan Class-XI to Class-XII Arts admission kan hawng leh ta e.

1. Kan zirlaite hi Pathian thu nen Discipline tha tak hnuaia enkawl an ni. HSLC/HSSLC exam ah Top-4, Top-6, Top-7, Top-9 leh Subject topper te kan nei tawh.

2. HSLC/HSSLC exam-ah result tha tak kan nei thin.

3. Board Exam-a kan zirlai Top Tenner-te Rs. 1,00,000/- leh Subject topper-te Rs. 30,000/- pek thin a ni.

4. Kumtin Study Tour neih thin a ni. Kumin hian Kolkata, Delhi, Chennai kal tum a ni. Hostel nuam leh changtlung tak a awm bawk e.

Ph: 9612131959/9862732487/8575827857

Admission Notice

Kids Den School, Chaltlang chuan session 2026-27 atan Preschool leh KG-I admission a hawng mek e.

Hrechiang duh tan:

Ph: 8974812733 (preschool)

Ph: 9366599743 (KG I)

Sd/-Principal

(2-2)



ARTICLE

AIA UP A ZAH: ZONUNZEMAWI

- Henry Zote, Jt. Editor

Tunlai kan nunah hian, aia up a zah nachang hre tura kan inzirtir thar a tui ta hle mai. Mahni duh ang anga khawsak mai tumna hi thangthar naupang zualte zingah alo lian tial tial a. Aia up a ngaih pawimawh nachang kan hre ta lo hle mai.

Tun hma in Val upate khan zawlbukah aia up a zah chu thu leh thiltih in an lo zirtir thin a. Naupangte leh tleirawlte chu thingnawi an fawm tir a, tiai tin zawlbuk ah an dah tir thin a; a dah tha duh lo te phei chu nasa tak in an thunun thin. Khatiang hun kha a liam tawh a, chuvangin aia up a zah inzirtir thar leh hi tunlai Nu leh Pa ten hre thar leh ila, nasa taka tan kan lak leh chuan "Zonun-ze-mawi" alo par chhuak leh ngei ang.

Hnam up a leh hnam changkang apiang te aia up a zah nachang an hria a, tarte leh kum tam zawkte phei chu an zahin an chawimawi thiam hle thin. Mizote hi hnam naupang tak ni mah ila, kan pi leh pu te kha hemi kawngah hian an duai lovin an entawntlak hle a ni. Thiam na lamah sang lo mah se, naupan tet atanga kan in zirtir avangin he "Zonun-ze-mawi" tak hi an zawm tha hle thin. Ram chhuahna ah te, khawi ilo kal chhuah nikhuaah te, ram riah leh ruaitheh naah te upate thu an ngaichang thiam a, chawhlui kil ho naah phei chuan up a berin a bar hma chuan naupang zawk ten an bar khalh ngailo.

Nu leh Paten "Aia up a an hnial zawt zawt ngailo" tih an hrilh thin chu an thanlenpui tlat avangin tirh an hnial ngai lo a ni. Aia u zawkte koh dan tur leh biak dan tur chenin an inzirtir a, in phahhnuai tak leh zawldawh tak in rual u zawkte an dawr thin a ni.

TUNLAI BORUAK:

Ram changkang leh hmasawn hoten upate ngaihlut leh chawimawi lamah an san telh telh lai hian keini zingah aia upate chawimawi a zah a hnekin aia up a zahna a hniam tial tial thung niin a lang. Hmasawna hian thil tha lo (Mawlna) a luah lan tur chu a ni ngei a, mahse, Nun ze tha chu a chawisang zawk thin a ni. Zonun ze mawi (aia up a zah) hi a tlahniam zel anih chuan hnam hmuhsitawm tak leh zahpuiawm tak kan ni thei a ni tih i hria ang u. Nu leh Pate pawhin kan fate aia up a zah pawimawhna hi uar leh zualin i in zirtir thar leh ang u.

ZILH LOH FA AN TAM TA EM?

Fate duhsak luatah neih phak loh thleng thleng kan awh saka, rual an pawl nan tiin puk chawp pawhin an duhzawng nu leh pa thenkhat chuan an ngaihtuah sak thin. Fate tih lungawi loh hlauh avanga tlawn zawk nu leh pa dawizep kan tam ta em ni? tih hi ngaihtuah chian a hun ta.

Tirh hnial leh aia up a hnial zawt zawt thin te chu "Zilh loh fa" ang a ngaih an ni a, nu leh pa tan mualphona a ni. Kan Bible ah pawh "Tiang leh zilhhaunain a tiding a, Naupang thlahthlam erawh chuan a nu zahna a thlen thin" (Thufingte 29:15) tih kan hmu a. Tunlai hian nu leh paten kan fate "Zonunzemawi - Aia up a zah) kan zirtir ta mang lo em ni? tiin a ngaihtuah theih.

"Aia up a zah thiamin,

An thute awih in zawm fo rawh;

Pipute ro thil hlu a ni,

Aia up a te zahthiam rawh"

tih hla, Pu Liandala'n a phuah mawi tak kan nunah awmzia neih thar tir leh ang u. Aia up a kan zah a, kan chawimawi hian Mizo min ti mawi a ni.

VANLALFELA SEPTIC TANK SERVICE

Septic tank paih fai, commode block, pipe, soak pit tha lo leh a thar pawh kan siam theih reng e. Kan silhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawn.

Contact: 9436199884

(10-8)



ADVERTISEMENT

PUIA SEPTIC TANK SERVICE

Septic tank paih fai, commode block, pipe, commode fitting, soak pit leh a khur repairing engkim kan khawih thei e.

Rate: INBIAKREMNA Ph: 6909266562 (10-8)

MAFELA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna Ph: 9233440125 (10-4)

KHIANGTE SEPTIC TANK SERVICE

Septic Tank khat paih fai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e thawk thei e (20-14)

Contact - 9862344971 Bawngkawn South

FANAISEPTIC TANK SERVICE

Septic tank paih fai leh repairing engkim kan thawk thei a, experience tha tak kan nei e. Rate hi INBIAKREMNA (5-5)

Mb. 9863524969/ 9366506115

L.R SEPTIC TANK SERVICE

Septic tank paih fai, pipe fitting, Commode block, soak pit repair leh a khur repairing engkim kan thawk thei e.

RATE: INBIAKREMNA
7630842234/7628867799 (20-4)

KC TUI

Tui thianghlum tak PHE a quality test thlap, PickUp-in 2,000 litre kan pe thei reng e. Ramhlun North veng chhung tan discount kan pe e.

Ph: 7005010327 / 9774223462 (10-4)

Kudam / Dawr luah duh tan Basic Mual D-27 ah a awm e

Contact : 9436141504 / 9862559970

HOLY CHILD SCHOOL, RAMHLUN NORTH
OPEN ADMISSION FOR 2026-2027

Kum 2026-2027 session atan Holy Child School ah Nursery leh KG lut turte tan Admission hawn a ni leh dawn a. Ni 2 February, 2026 atangin School ah admission a tih theih ang.

Hrechang duh tan a hnuaia Phone number tarlan ah hian zawhfiah theih reng a ni.

9436154080 holychildschool143@gmail.com



(5-1)

NEUHOF SCHOOL ADMISSION OPEN FOR 2026-2027

Kum 2026-2027 session atan Neuhof School-a LKG to Class IX (Day Scholar lel Hosteller) lut thar turte tan Admission hawn a ni leh dawn a, Ni 2 February 2020 atangin Prospectus lak chhuah theih a ni ang.

Admission ti tur tana hriattur:

* Second Term Exam-a 60% chin hmute tan

* Direct Admission a tih theih ang.

* Middle leh High School tan Written leh Personal Interview a awm ang.

* Primary Section (LKG - Class IV) tan Personal Interview a awm ang.

* Written leh Interview hi ni 14 February 2026 (Saturday) ah neih a ni ang.

* Result hi ni 18 February 2026 (Saturday) ah tar chhuah a ni ang a, hemi ni atang hian Admission tih tan theih nghal a ni ang.

Activity hrang hrang ngaihpawimawhna hmun; Smart Classroom bakah Counsellor-in a awm chilhna hnuaiah ngei i fate rawn luhtir ve rawh le.

Contact: 8414048036

(3-2)

